



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«-20-» — 07 — 2022թ.

<<ՓԱՓՈՒԿ>> ՍՊԸ տնօրեն Մհեր Միրզոյանին

ՀՎՀՀ՝ 09425207

(հասցե՝ Սյունիքի մարզ ք.Կապան Մ.Հարությունյան 12-28)

Ծանուցագիր

ՀՀ պետական եկամուտների կոմիտեում իրականացվում է վարչական վարույթ Ձեր կողմից հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու, այն է՝ հարկ վճարողի դրամարկղում առկա կանխիկ դրամական միջոցների գույքագրում, մուտքագրված և ելքագրված դրամական միջոցների շարժի ուսումնասիրության նպատակով պահանջված դրամարկղային գիրքը չներկայացնելու դեպքի առթիվ: Նշված արարքի համար պատասխանատվություն է նախատեսվում Վարչական իրավախախտումների վերաբերյալ ՀՀ օրենսգրքի 182.6 հոդվածով:

Նշված դեպքի առթիվ վարչական իրավախախտման գործի քննությանը մասնակցելու համար՝ Դուք 2022 թվականի օգոստոսի 1-ին, ժամը 12:00-ին, անձը հաստատող փաստաթղթով հրավիրվում եք ՀՀ պետական եկամուտների կոմիտե՝ ՀՀ ք. Երևան Մ. Խորենացու 3, 7 հասցեով, 3-րդ հարկ, ՀՀ ՊԵԿ նախագահի տեղակալի ընդունարան (հեռ. 010 309191 /ներքին 91-65/):

Համաձայն «Վարչարարության հիմունքների և վարչական վարույթի մասին» ՀՀ օրենքի 23-րդ հոդվածի՝ վարչական վարույթում վարույթի մասնակիցները կարող են մասնակցել ինքնուրույն, իրենց ներկայացուցիչների միջոցով կամ նրանց հետ միասին: Լիազորված անձինք կամ օրինական ներկայացուցիչները վարչական մարմնի պահանջով պարտավոր են ներկայացնել լիազորագիր կամ օրինական ներկայացուցիչ լինելը հաստատող փաստաթուղթ: Լիազորագրի համար նուտարական վավերացում չի պահանջվում:

Վարչական իրավախախտումների վերաբերյալ ՀՀ օրենսգրքի 267 հոդվածի համաձայն՝ վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաբանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը, գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3, 7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am

Բացատրություններ տալու, ապացույցներ ներկայացնելու, միջնորդություններ հարուցելու, ինչպես նաև դիմումներ և առարկություններ ունենալու դեպքում կարող եք դրանք ներկայացնել նաև secretariat@petekamutner.am էլեկտրոնային փոստի միջոցով:

Վարչական իրավախախտումների վերաբերյալ ՀՀ օրենսգրքի 267 հոդվածի համաձայն վարչական իրավախախտման վերաբերյալ գործը կարող է քննվել Ձեր բացակայությամբ, սույն ծանուցագրում նշված գործի քննության օրը չներկայանալու դեպքում:

Կից ներկայացվում է 20.07.2022 թվականի թիվ 107-2022/14-Ա արձանագրությունը:

**ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժնի
գլխավոր մասնագետ**

Մելանյա Մաթևոսյան





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

« 20 » 07 2022թ.

No _____

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ԱՐՁԱՆԱԳՐՈՒԹՅՈՒՆ թիվ 107-2022/14 Ա

Հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վարչական իրավախախտման գործի վերաբերյալ

ՀՀ պետական եկամուտների կոմիտեի իրավաբանական վարչության հարկադիր գանձման և պարտավորությունների կատարման ապահովման բաժնի գլխավոր մասնագետ Մելանյա Մաթևոսյանս, ղեկավարվելով ՀՀ հարկային օրենսգրքի 431-րդ հոդվածի 12-րդ մասով, Վարչական իրավախախտումների վերաբերյալ ՀՀ օրենսգրքի 254-255 հոդվածներով, կազմեցի սույն արձանագրությունը հետևյալի մասին.

Միեր Միրզոյանը /անձնագիր՝ AN0712060 տրված 41-ի կողմից, հասցե՝ Սյունիքի մարզ ք.Կապան Մ.Հարությունյան 12-28/ հանդիսանում է «ՓԱՓՈՒԿ» ՍՊԸ-ի /ՀՎՀՀ՝ 09425207/ տնօրեն:

«Հարկ վճարողի գույքի վրա արգելանք դնելու մասին» ՀՀ պետական եկամուտների կոմիտեի նախագահի 21.04.2022թ-ի թիվ ԱՀ 82106 հանձնարարագրի հիման վրա 21.04.2022թ-ին արգելանք է կիրառվել «ՓԱՓՈՒԿ» ՍՊԸ-ի /ՀՎՀՀ՝ 09425207/ բանկային հաշիվներում առկա դրամական միջոցների վրա 1656954 դրամ գումարի չափով: Բանկային հաշիվներում առկա դրամական միջոցների անբավարարության /կամ բացակայության/ հիմքով 02.05.2022թ-ի թիվ 82106/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա՝ 1662777 դրամ գումարի չափով:

Ղեկավարվելով ՀՀ հարկային օրենսգրքի 434-րդ հոդվածի 2-րդ մասով «ՓԱՓՈՒԿ» ՍՊԸ-ի /ՀՎՀՀ՝ 09425207/ դրամարկղում առկա կանխիկ դրամական միջոցների գույքագրման, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով հարկ վճարողի գույքի վրա արգելանք դնող պաշտոնատար անձի կողմից 19.05.2022թ-ին փոստային ծառայության միջոցով «ՓԱՓՈՒԿ» ՍՊԸ-ի /ՀՎՀՀ՝ 09425207/ տնօրեն Միեր Միրզոյանին ուղարկվել է գրությունը, որով առաջարկվել է գրությունը ստանալուց հետո եռօրյա ժամկետում, իսկ եթե Գրությունը ստանալու օրվան հաջորդող 3-րդ օրը համընկնում է ոչ աշխատանքային օրվա հետ, ապա հաջորդող առաջին աշխատանքային օրը ներկայանալ հարկային մարմին՝ «ՓԱՓՈՒԿ» ՍՊԸ-ի /ՀՎՀՀ՝ 09425207/ դրամարկղային գրքով /առկայության դեպքում/ ներկայանալ ՀՀ պետական եկամուտների կոմիտեի իրավաբանական վարչություն՝ հարկ վճարողի դրամարկղում առկա կանխիկ դրամական միջոցների գույքագրման և ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության աշխատանքների կազմակերպման նպատակով: Միաժամանակ նույն գրությամբ տեղեկացվել է Օրենսգրքի 431-րդ հոդվածի 12-րդ մասով սահմանված՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների

ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am



սահմաններում գործողությունների կատարմանը խոչընդոտելու դեպքում Վարչական իրավախախտումների վերաբերյալ ՀՀ օրենսգրքով սահմանված կարգով խոչընդոտման փաստի արձանագրման վերաբերյալ:

Փոստային առաքանին վերադարձվել է «Տեղափոխված» նշագրմամբ, այնուհետև նշված Գրությունը 16.06.2022թ-ին ուղարկվել է ընկերության «refmen2019@gmail.com» էլ.փոստի հասցեին, սակայն «ՓԱՓՈՒԿ» ՍՊԸ-ի /ՀՎՀՀ՝ 09425207/ տնօրեն Մհեր Միրզոյանը չի ներկայացրել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Միաժամանակ, ըստ «Հարկատու 3» ԷԿՀ-ի տվյալների՝ 26.12.2019թ-ին «ՓԱՓՈՒԿ» ՍՊԸ ընկերությունը /ՀՎՀՀ՝ 09425207/ ընկերությունը ստացել է թիվ 192/1 դրամարկղային գիրքը:

Նկատի ունենալով, որ «ՓԱՓՈՒԿ» ՍՊԸ-ի /ՀՎՀՀ՝ 09425207/ տնօրեն Մհեր Միրզոյանի վերը նկարագրված արարքը համապատասխանում է Վարչական իրավախախտումների վերաբերյալ ՀՀ օրենսգրքի 182.6-րդ հոդվածին, ուստի 14.07.2022թ-ին ՀՀ պետական եկամուտների կոմիտեում հարուցվել է վարչական վարույթ, որի մասին ծանուցագիրը 14.07.2022թ-ին հանձնվել է հասցեատիրոջը /ուղարկվել է ընկերության «refmen2019@gmail.com» էլ.փոստի հասցեին/:

Չնայած այն հանգամանքին, որ նշված ծանուցագրով Մհեր Միրզոյանը պատշաճ կերպով ծանուցվել է վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու համար սույն թվականի հուլիսի 20-ին, ժամը 15.00-ին ՀՀ պետական եկամուտների կոմիտեի իրավաբանական վարչություն ք. Երևան, Սասունցի Դավթի 87 Ա հասցե ներկայանալու մասին, այդուհանդերձ չի ներկայացրել որևէ բացատրություն, ուստի սույն արձանագրությունը կազմվել է Մհեր Միրզոյանի բացակայությամբ:

Արձանագրությունը կազմեց՝

ՀՀ ՊԵԿ իրավաբանական վարչության

հարկադիր գանձման և պարտավորությունների

կատարման ապահովման բաժնի գլխավոր մասնագետ



Արամ Ավանյան Մաթևոսյան

Իրավախախտում կատարած անձ՝

«ՓԱՓՈՒԿ» ՍՊԸ-ի տնօրեն

Մհեր Միրզոյան

Ստացա մեկ օրինակը

ընդամենը էջ

**Սույն արձանագրության 2-րդ էջի դարձերեսին ներկայացվում են Վարչական իրավախախտումների վերաբերյալ ՀՀ օրենսգրքի 267 հոդվածով նախատեսված՝ վարչական պարտասխանաբարության ենթարկվող անձի իրավունքներն ու պարտականությունները*



ՀՀ ՊԵՏԱԿԱԼ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am էլ. փոստ՝ secretariat@petekamutner.am

*Վարչական իրավախախտումների վերաբերյալ ՀՀ օրենսգրքի 267 հոդված

Վարչական պատասխանատվության ենթարկվող անձի իրավունքներն ու պարտականությունները

Վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը. գանգադարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

